



Na osnovu člana 2.9 stav (1) tačka 2 i člana 5.22 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), a u vezi člana 114. Pravilnika o načinu provođenja izbora u Bosni i Hercegovini ("Službeni glasnik BiH", br. 37/10, 71/10, 22/11 i 61/12), člana 5. Pravilnika o organizaciji Glavnog centra za brojanje, načinu verifikacije i brojanja glasačkih listića ("Službeni glasnik BiH", broj 37/10) i odredbi Uputstva o rokovima izbornih aktivnosti za održavanje prijevremenih izbora za načelnika općine Banovići ("Službeni glasnik BiH", broj 100/13), Centralna izborna komisija Bosne i Hercegovine je na 6. sjednici održanoj 13.02.2014. godine, donijela

O D L U K U
o uspostavi Glavnog centra za brojanje i imenovanju direktora i
zamjenika direktora Glavnog centra za brojanje

Član 1.

(1) Centralna izborna komisija Bosne i Hercegovine (u daljem tekstu: Centralna izborna komisija BiH) formira Glavni centar za brojanje za pripremu i provedbu prijevremenih izbora za načelnika općine Banovići, koji će se održati u nedjelju, 16. februara 2014. godine.

(2) Glavni centar za brojanje se uspostavlja za period od 15.02.2014. godine do 28.02.2014. godine.

(3) Glavnim centrom za brojanje rukovodi direktor Glavnog centra za brojanje i tri zamjenika direktora Glavnog centra za brojanje.

Član 2.

(1) Za direktora i zamjenike direktora Glavnog centra za brojanje imenuju se:

- a) Mladen Vičević, direktor
- b) Mustafa Laković, zamjenik direktora
- c) Veljko Petrović, zamjenik direktora i
- d) Adi Agić, zamjenik direktora.

(2) Direktor i zamjenici direktora Glavnog centra za brojanje se imenuju na period od dana imenovanja pa do zatvaranja Glavnog centra za brojanje i odgovorni su za svoj rad Centralnoj izbornoj komisiji BiH.

Član 3.

(1) U Glavnom centru za brojanje će se obavljati slijedeći poslovi:

- a) prijem i kontrola biračkog materijala sa biračkih mjesta za glasanje nepotvrđenim glasačkim listićima,
- b) verifikacija prava glasa birača koji glasaju putem pošte, mobilnog tima i nepotvrđenim glasačkim listićima,
- c) brojanje svih kategorija glasačkih listića iz tačke a) i b) stav (1) ovog člana,

- d) unos i ovjera rezultata glasanja za sve glasačke listiće koji se broje u Glavnom centru za brojanje,
- e) prijem, kontrola, unos i potvrda rezultata glasanja s redovnih biračkih mjesta i
- f) drugi poslovi utvrđeni podzakonskim aktima Centralne izborne komisije Bosne i Hercegovine.

(2) Poslovi iz stava (1) ovog člana obaviti će se u sjedištu Glavnog centra za brojanje u Sarajevu, zgrada Centralne izborne komisije BiH u ulici Danijela Ozme broj 7.

Član 4.

Ova Odluka stupa na snagu danom donošenja i objavit će se na web stranici Centralne izborne komisije BiH www.izbori.ba.

Broj: 07-2-07-11-162-1/14
Sarajevo, 13.02.2014. godine

